

DISSERTATIO PATHOLOGICO-THERAPEVTICA
DE
RABIE CANINA
AD MENTEM CELEBERRIMO-
RVM QVORVNDAM, NOSTRÆ ÆTATIS, VIRORVM
CONSIDERATA,
QVAM
ANNVENTE DIVINI NVMINIS GRATIA,
RECTORE VNIVERSITATIS AC PRO-CANCELLARIO,
VIRO MAGNIFICO, MAXIME REVERENDO, PRÆNOBILI, AMPLIS-
SIMO ATQVE CONSVLTISSIMO
D O M I N O
CHRISTOPH. IGNATIO
DE **GVDENVVS, J. V. D.**

INSIGNIS ECCLES. COLLEG. S. SEV. CANON. CAPIT. ET SHOLAST. EMINENT. AC CELSISS.
PRINC. ELECTORIS MOGVNT. CONSIL. ECCLESIAST. EIVSDIMQVE PER THVRING.
IN SPIRIT. SIGILLIFERO AC SVFFRAGAN. DENOMIN.
INDVLGENTE AMPLISSIMO AC GRATIOSO MEDICORVM OR-
DINE IN PERANTIQA VNIVERSITATE HIERANA,
SVB PRÆSIDIO

DN. ANDREÆ ELIÆ BÜCHNERI,
PHILOSOPH. & MEDIC. DOCT. AC PRACTICI,
FACTORIS SVI OMNI HONORIS CVLTV JVGITER
DEVENERANDI,
PLACIDÆ ERVDITORVM DISQVISIONI SVBMITTET
RESPONDENS,

JOANNES CHRISTIANVS Höpfner,

HALENSIS - SAXO, MEDICINAE CANDIDATVS.

DIE XXX. APRIL. ANNO MDCCXXVI.

IN AVDITORIO MEDICO COLLEGII MAJORIS HOR. CONSVET.

ERFORDIÆ, TYPIS JUNGNICOLIANIS.



Q. D. B. V.

DISSERTATIONIS PATHOLOGICO-
THERAPEVTICÆ,

DE

RABIE CANINA

AD MENTEM CELEBERR. QVORVNDAM NOSTRÆ
ÆTATIS VIRORVM, CONSIDERATA,

PROŒMIVM.



LX omnibus fanè labo-
ribus, quibus aliàs Eruditorum co-
hors otia ignavæ propulsare solet
vitæ, utiliore ac digniorem, in
rebus præprimis *Physicis & Medicis*
haud invenies, quam qui ad accu-
ratam virium & effectuum *Animæ*
nostræ explorationem solers ac se-
dulus impenditur; Hæc enim sola est, quæ viam ad sa-
crata Hygeæ penetralia nobis pandit, modumque osten-
dit,

dit, quo languidi nostri corporis sanitatem non solum conservare, sed & diram morborum phalangem ab eo profligare possumus, cum in omnibus ac singulis morbis principaliori semper activitate concurrat hoc principium, partim sensibilitate suâ, partim majori æstimatione rerum corpori suo inimicarum, partim etiam motuum justâ directione ac promotione aliisque operationibus, &, teste Valeriolâ, Lib. I. observat. 4. *ea præprimis causa sit, cur sæpe deserti à Medicis convalescant, quod arcani Naturæ (sive Animæ) motus, quibus ipsa in servando, fovendo & à mortis injuria vindicando corpore utitur, non satis nobis perspecti sint.* Propterea etiam illi, qui prudentis Medici titulum affectatur, ante omnia incumbit, ut non modo in vulgares illas omnibusque notissimas Animæ qualitates & vires attentus inquirat, sed & arcanas, abditas ac ex parte adhuc planè incognitas ejus operationes & facultates explorare & detegere studeat, quo nihil illorum, quæ nostrâ adhuc ratione comprehendi possunt, ipsi deficiat.

Quamquam enim incorruptibilis hic noster Spiritus, antequam turpis eum deperdidit lapsus, multo præstantioribus ac perfectioribus instructus fuerit viribus, (quod, præter rudes in suâ sapientiâ Naturalistas & Atheos, neminem negaturum fore autumo,) quam quidem illæ sunt, quibus nunc adhuc gaudet; Tamen omnibus illis, ex infinita Dei Clementia, nondum planè orbatus existit, sed multæ adhuc in eo deprehenduntur facultates, quas crudioribus nostris ideis, ita perfectè haud comprehendere, nedum exprimere possumus, quippe quæ, dum à reliquo vulgari causarum & circumstantiarum nexu maxime distinctæ & insigni tenebrarum caligine obvolutæ sunt, insimul clarè manifestant,

stant, quod aliquo modo adhuc, de pristino perfectiori statu participant.

Non pigebit itaque, cum summa sit hujus scientiæ necessitas, summa non minus dignitas & usus maximus, paulo dilucidius illam perlustrare & specialius in ipsius Animæ nostræ vires, facultates, modumque operandi secundum diversas circumstantias, inquirere, ita tamen ut hæc omnia minime multis & diffusis percenseamus verbis, ne spicas in segetem portare, aut cramben foculo jam jam redditam de novo apponere velle videamur, siquidem multos Doctissimos Viros, speciatim vero Jllustr. STAHLIVM & Celeberr. ALBERTI, qui inclytam jam dudum nomini famam reportârunt, in egregiis pariter atque utilissimis suis scriptis exactissimam hujus materiæ notitiam jam jam suppeditasse, novimus; sed placet tantum, loco speciminis cujusdam Academici, partem aliquam utilissimæ hujus scientiæ assumere, & insignem illam harmoniam, quæ inter principium nostrum rationale & subjecta externa naturalia intercedit, quamque ita â priori vix semper apprehendere possumus, in affectu quodam speciali, (qui suam præprimis originem ex malè applicato Intellectu Animæ desumit,) RABIE nimirum CANINA, juxta mentem celeberrimorum horum virorum, considerare, illamque pro virium qvali qvali facultate perspicaciorem reddere. Quod ut feliciter evenire jubeat Deus T. O. terque Maximus, & ab omni ineptæ credulitatis ac falsorum præjudiciorum *rabie* nos clementissimè defendat, est, quod humillime precamur.

CAPVT I.

HISTORIAM HVJVS AFFECTVS EVOLVIT.

§. I.



E morem hactenus non sine causa in Dissertationum conscriptione observari consuetum temerè deferamus, brevibus *Onomatologiam* nostri affectus evolvere & præmittere lubet, anteqvam ad intimiorem & specialiorem ejus perscrutationem nos accingamus.

Rabiei igitur, vel *Furoris* titulus imponitur luctuoso huic morbo, quia sub vehementiori quodam delirio, cum acutissima febre ut plurimum conjuncto, tam in brutis, quam in hominibus sese exserit; Epitheton vero *canina* adjectum est, ad demonstrandam non solum differentiam specificam, quia ab aliis *Rabiei* speciebus, v. g. *Nymphomania*, *Philtromania*, *Lycanthropia*, &c. hæc maximè distincta est; sed & ad indagandam ejus originem, naturam & essentiam, siquidem ex communicato *rabidi canis* a) contagio produci-

a) Alia quidem animalia, præter canes, rabie non solum corripi, sed eam pari quoque ratione propagare posse, per experientiam novimus; à solo autem cane propterea maximè desumptum esse hoc epitheton, putamus, quia frequentius præ illis huic malo subjectus depre-

ducitur & quasi propagatur, insimulque in hominibus exactam quandam harmoniam & analogiam, cum illâ rabie, quæ communiter in *canibus* observatur, sistit atque demonstrat, adeo, ut interdum etiam peculiare illud symptoma, pertinacissima nimirum omnium splendorum, liquidorum, & præcipue aquæ averfatio, quæ rabidos aliàs canes affligit, simul hunc affectum in hominibus comitetur, in quo casu communiter vel alio donatur epitheto, & *Rabies hydrophobica* appellatur, vel plane diverso signatur nomine & Φεύγῶδρον, aut ὑδροφοβία b) dicitur, quæ vocabula, licet, Græciam pro origine habeant & ex verbis Φεύγω *fugio*, aut φοβέω, *timeo*, & substantivo ὕδωρ, *aqua*, componantur, tamen postea per consuetudinem non solum ad latinum forum tracta, sed & à Germanis in subsidium vocata sunt, qui corruptis denominationibus *der Wasserscheu, die tolle Wasserfurcht, oder Hund's-Raserey*, hunc affectum hactenus insignire siveverunt.

§. III:

deprehenditur, & secundum sententiam quorundam Auctorum, solus primariò, principaliter & ex principiis suis internis ad suscipiendam rabiem dispositus est, cum reliqua animalia omnia saltem secundariò & malo à cane rabido communicato, eâ laborent. Vid. *Sennert. Instit. Med. Lib. II. Part. III. Sect. I. cap. 7. & ejusd. Pract. Med. Lib. I. Part. II. cap. 16.*

b) Sunt etiam ex Græcis quidam, qui affectui huic alia insuper nomina imponere solent, atque modo ὑδροφοβίαν, modo ὑδροφθέλιγμα, modo etiam ὑγεόμισον, appellitare malunt, quia ejusmodi ægrotantes aquas non solum, sed omnia liquida indiscriminatim averfantur; Quoniam vero in quamplurimis subjectis ille aquarum metus semper gravissimum symptoma constituit, atque sic, ob consuetudinem, Hydrophobiæ nomen primum locum obtinuit, merito quoque illud, tanquam usitatius, retinere placuit, siquidem etiam cuilibet perinde est, quibusnam aliis nominibus iste affectus indigitetur, modo eandem rem in explicatione obtineat.

§. II. Missis nunc verbalibus ad realia properamus, ubi proximum est, ut exquisitiorem hujus intricati affectus Historiam contexamus, quo illum ex propriis suis circumstantiis tantò facilius dignoscere & agnoscere queamus. Primaria igitur eaq; materialis hujus mali origo est *contagium*, sive *miasma* quoddam *subtile*, *fermentativum*, à cane jamjam rabido productum & corpori humano ejusque humoribus insinuatum, quod, si non ex se suaque Natura, tamen propter noxiam suam qualitatem maximà ex parte hunc affectum producere potest. Est autem illud, uti jam dictum, *summa subtilitatis*, adeò ut non solum brevi tempore sub salivâ per inflictum morsum sive vulnus quoddam in corpus humanum proximè immittatur, sed & multis aliis subtilioribus modis communicetur & propagetur, v. g. per halitum & osculum canis rabidi, c) per comestionem carnis rabidi animalis, d) per solum salivæ animalis rabidi contactum, e) per impositionem manûs in os canis rabidi, f) per comestionem lactis vaccæ à cane rabido demorsæ, ff) imò tandem (si credere fas est,) per solam inspirationem aeris, cum expiratione (durch das Unhauchen,) à rabidis emissi, g) variisque aliis viis, de quibus tamen omnibus & singulis, quia insuper rariores sunt, heic loci spe-

c) Cardanus Lib. II. contradict. IX. Tract. V.

d) Fernelius Lib. II. de abdit. rer. caus. cap. 14.

e) Matthiolus in Lib. VI. Dioscorid. cap. 36. Galenus de Loc. aff. c. 5. item Palmarius, Fernelius, Petr. Salius Divers. & Cardanus, passim in suis Scriptis.

f) Joh. Matth. de Gradibus consil. 82.

ff) Bald. Timaus à Gùldenflée Cas. & Observ. Med. Lib. VII. Cas. 23.

g) Cælius Aurelianus Lib. I. de sign. & causis morborum acut. cap. 7. Confer. in genere Sennertus in Instit. Med. Lib. II. Part. III. Sect. II. cap. 4.

specialius agere non placet, sed solam illam *caninam rabiem*, quæ proximius & frequentius ex morfu canis cujusdam rabidi producta fuit, retinere, illamque nunc secundum sua signa diagnostica sistere, mens nostra est.

§. III. Ab inflictio igitur rabidi canis *morsu* noster affectus sua quidem sumit exordia, sed incerto planè tempore, dum modò citius, & post paucos dies, modò verò tardius, elapso nempe plurimum septimanarum aut mensium spatio, sese exserit, & hoc quidem pro diversa circumstantiarum variatione, rarissimè autem post plures demum annos, citra novæ cujusdam causæ accessum, renascitur; quare etiam illæ observationes, quæ rabiem hancce decimo septimo, h) decimo octavo, i) vel quadragesimo anno, k) post morsum canis rabidi ortam esse referunt, singularem non nisi interpretationem merentur, illarum præprimis circumstantiarum, quæ ratione morbi & ipsius patientis observandæ fuerunt. Vid. *Forestus Lib. X. observ. 28. cum Schol. Salmuthus in observat. posthumis Cent. I. Observat. 96. Sennertus l. c. & Borellus Histor. & Observ. Medico-Phys. Cent. I. Obs. 74.*

§. IV. Cum vero insuper non semper liquidò appareat, an canis qui morfu hominem vulneravit, rabidus fuerit, nec ne, siquidem ut plurimum vulnus à rabido cane inflictum nihil ferè differt ab eo, quod non rabidus intulit canis; placet antea illa signa enumerare, quæ canem rabie affectum, & vulnus à tali inflictum esse, nobis patefaciunt, quò eò citius ingruenti huic malo idoneis medicamentis obviam ire &

B

ali-

h) *Anton Musa Brassavola Lib. II. Aphorism. Commentar. 23.*

i) *Gvainerius in Tract. de venenis cap. 12.*

k) Referente *Alzaharavio.*

aliquâ simul ex parte præcavere queamus, ne ad supremum & incurabilem illum gradum, plenariam nimirum *Hydrophobiam*, perveniat. Rabidum ergo canem sequentia arguunt indicia: Incedit gressu inordinato, modò in hoc, modò in illud latus inclinat, modò antrorsum, modò retrorsum, & quidem ocyus solito, currit, atque in omnibus suis actionibus ferociam quandam cum stupiditate conjunctam offert, propter quam insimul reliqui omnes ipsi occurrentes sani canes, talem magno cum timore averfantur ejusque consortium reformidant. Præterea quoque salivam spumeam in magnâ copiâ ante ora naresque gerit vel etiam effundit, linguam aridam, tumidam, ex atro-rubentem, quasi bile coloratam & foras porrectam habet, præter solitum torvus videt, oculos truces, rubentes, igneos & iratos demonstrat, ore aperto anhelat, aures demittit, caudam sub ventrem inflexam gestat, toto corpore contabescit, raro & parum latrat, plus vero mordet, & quidem non solum reliquos canes aliaque bruta, sed & ipsos homines, ignotos pariter atque familiares (quos propter insaniam nequidem agnoscit,) aggreditur illisque suam rabiem tali modo communicat. Augescente malo non solum esculenta, sed maximè omnis generis potulenta planè planeque averfatur, adeo, ut licet arida ejus lingua certum præbeat indicium præsentis æstus ac fitis in corpore suo, ne minimam tamen aquæ guttulam degustare velit, sed potius ab illâ & omnibus liquidis protinus aufugiat, donec post aliquot dies, corpore sensim sensimque emaciato, tandem pereat.

§. V. Quo verò nullum relinqvatur dubium, ipsum quoque vulnus considerari debet, cum & ex eo, institutis variis experimentis, præsentem in cane, qui illud inflixit, rabiem

biem hariolari queamus. Sic *Paulus* & *Aetius* jubent nuges juglandes contusas, (quarum in locum alii etiam tritici grana sumunt,) vulneri recenter inflictio apponere, & per aliquot horas, aut per noctem vel diem (prout nimirum major vel minor est ejus ambitus, cum à magno vulnere venenum facilius communicetur,) super illo relinquere, & postea gallo vel gallinae devorandas objicere; Si enim hæc animalia postero die pereant, rabidum fuisse canem concludunt, & contra. Simili etiam modo *Rhases* & *Avicenna* cum frusto panis, cui alii offam, ex farina & sanguine ex vulnere detracto, formatam, substituunt, procedere eamque sano cuidam cani offerre svadent, de quibus plura vid. apud *Sennert. l. c. § Capivaccium in Pract. Med. Cap. ult.*

§. VI. Traditis nunc illis Signis, quæ partim rabiem in cane, partim etiam malignitatem in vulnere inflictio denotant, ulterius ad illa progredimur, quæ propriè tragicum nostrum affectum in hominibus stipantur, qualia sunt nimia anxietas animi, cardialgiæ insignes, vomitus crebriores, vel saltem nausea, aut conatus vomendi, graves virium dejectiones, formus inordinatus horridisque insomniis perturbatus, urina guttatim reddita, pulsus durus, interdum inæqualis, interdum debilis, affectus anginodei, facies tumida & intense rubra, cordisque tremores, quibus sub ulteriori morbi progressu febris communiter acutissima, cum doloribus exquisitis, siti ac æstu ineffabili, sudoribus copiosis profundisque suspiriis stipata, accedit, donec ipsum quoque delirium, 1) si vera rabies hæc superveniat, sub quâ miseri ta-

B 2

les

1) Non pauci etiam reperiuntur, qui ad extremum usque vitæ halitum mente constant, suam agnoscunt atque deplorant miseriam, adstan-

les patientes ad instar canum rabidorum ejulant, spumant, oculos torvos & aspectu horribiles ostendunt, in proximos exspuunt, illosque, etiam præter voluntatem, moribus invadunt, & ubi res ad extremum deducta est, lucem fugiunt, omniaque liquida, præprimis vero *aquam* in) respuunt & mordendo averfantur, adeò, ut nec sonitum vel nomen ejus perferre queant, strident cum dentibus, bilem flavam vel atram evomunt atque singultu gravissimo corripuntur, quibus omnibus demum etiam facillimè convulsiones sese associant, hancque scenam lethali exitu claudunt.

CAPVT II.

ÆTIOLOGIAM, SIVE NEXVM CAUSARVM RIMATVR.

§. I.

PRæfens hic noster affectus non immeritò inter *venenosos* refertur ac ponitur, quia non modo ex venenoso quodam miasmate corpori humano communicato materialiter exoritur, sed & pari ratione ulterius & quasi in infinitum propagatur; Hinc non miror varias illas & ferè innu-

adstantes rogant, ut validè contineantur, monentque ne vel manum vel aliam corporis partem ori suo admoveant, ne morfu lædantur; cujus rei singulare exemplum *Gentilis* in *Commentario in Avicennam* & *Rhodius* in *Observat. Med. Cent. I. Observ. 46.* allegant. m) Interdum tamen ista liquidorum averfatio usque adeò excedere solet ut proprias quoque *lacrymas* non possint perferre, sed ad illarum conspectum graviora pariter experiantur symptomata, notante hoc *Eudemo Themisonis* Sectatore.

numeras de eo formatas Theorias, n) quarum insuper multæ satis ridiculæ existunt: Si qua enim Theoria in physicis & medicis intricata & abstrusa est, sanè est illa de *venenis* horumque modo operandi, de quibus licet multa, à celeberrimis etiam Autoribus, tradita nobis sint, nil tamen nisi τὸ ὅτι, quod nimirum præsentissimam, penetrantissimam summeque noxiam qualitatem possideant, ac nisi festinatum feratur auxilium, mortem ut plurimum accelerent, ex innumeris exemplis cognoscere possumus, fiendi modum autem s. τὸ διότι, planè silentes præterire cogimur, quia tam de illis in genere, quam in specie de animalium venenis nulla adhuc suppetit ratio, cur ita citò, tam intimè, citra violentiam proportionatam & ita separatis motuum gradibus, œconomiam nostram vitalem destruant atque evertant.

§. II. Hanc quoque ob rationem in præsentiarum exactam quandam omnibusque numeris perfectam nostri affectus Theoriam sistere haud poterimus, siquidem illa, si præcipue τὸ διότι respicias, ad hunc usque diem abditum & inextricabile manet mysterium omnibus illis, qui non cum materialibus, confusis, falsis aut planè ridiculis & futilibus conceptibus totam rem exhaurire volunt, sed dictamina tantum sanæ rationis cum experientiâ maritata observare

B 3

flu-

n) Has inter præprimis fabulosam illam traditionem refero, quâ per semina canina M. S. illata & famosis illis spiritibus oblata, quidam hunc affectum explicare satagunt, de quâ vid. *Avicenna lib. IV. Fen. VI. Tr. IV. Cap. 7.* ad quam melius colorandam & corroborandam alii in urinis hydrophobicorum & in vestimentis cum salivâ rabidi canis inquinatis, catellos tales minimos fluctuantes & prognatos, se observasse firmiter asserunt. Vid. *Salmuth l. c. Cent. 2. Obs. 33. Borellus Hist. & Observ. Med. Phys. Cent. I. Obs. 38.* Reliquas hasce Theorias recenset *Sennertus in Institutionibus Med. l. c.*

student, quæ, cum omnium acuratissimam constituent normam, nobis quoque inservient pro tradendâ, si non perfectâ, saltem sufficienti hujus intricati affectus ætiologiâ.

§. III. Ex antecedentibus ergo facile nunc innotescit, quod *Rabies* canina nihil aliud sit, nisi *certa quædam species deliriorum*, quæ ut plurimum *subjectorum liquidorum vel etiam splendorum aversionem*, sub febre acutissimâ, infert, & ab *inflicto canis rabidi morfu* maximè inducitur; quin imò, etiam exinde liquidò apparet, quod in indagandâ hujus morbi origine & exhibendâ ejusdem ætiologiâ, non in nudis corporeis vel materialibus conditionibus subsistere, aut solummodo ad efficaciam physicam modumq; operandi talis veneni in corpore humano respicere debeamus; sed quod potius, & quidem primariò, *influxus* ille principalis nostri principii agentis, cum ejusdem *æstimatione morali* & conceptibus in & circa læsionem formatis, nec non insignis illa *analogia* identitatum motûs morbi que in animali nocente, accuratè attendenda sint, ita tamen, ut *læsionum corporearum* pariter utilis consideratio nec penitus omittatur, nec nimium extollatur, quia ex suâ tantum indole ad provocandam hancce rabiem vix tantum contribuunt, quantum in antiquis & vulgatis Systematibus medicis illis adscribitur. De reliquo circa hujus affectus *differentiam* nihil plane monendum habemus, quia ratione urgentioris sui symptomatis, totalis nimirum *liquidorum aversionis*, facile â reliquis deliriorum speciebus sese distingvit, quemadmodum etiam ratione originis suam â *Lycanthropia* differentiam, cum quâ de reliquo unius ferè morbi schema exhibet, optime demonstrat, dum noster affectus ex *canis*, hic vero ex *lupi*, & quidem utrorumque *rabidorum, morfu* producitur; quibus nunc prænotatis

tatis nunc ulterius ad evoluendam ipsius ætiologiam nos accingimus.

§. IV. Quamprimum itaque rabiosum tale animal parti cuidam morsum suum infligit, insinuat portio quædam *saliva* per hoc vulnus ab eo communicatur, quæ, quia motu spumefactorio ac fermentativo valdè exagitata, adeoque ad inducendam repentinam quandam corruptionem plus, quam vulgaris liquor salivalis, apta & qualificata est, atque sic non modo illum locum, in quem immediatè insinuata est, detinet, sed & ob suam subtilitatem partim per universum M. S. latifundium, tanquam activum & potens quoddam fermentum sese dispergit, partim quoque per reliquas solidas partes undè quaque disseminatur, & statim *putrefactoriam corruptionem*, non solum illi parti, cui vulnus inflictum hæret, sed & reliquo corpori ac præcipue universæ massæ humorum, minatur. Quia ipse status, cum maximè insolitus & extremè periculosus existat, Animæ occasionem subministrat, ut, pro avertendo extraordinario hoc periculo & eliminando nocivo tali miasmate, plus quam ordinarios motuum gradus adhibeat, quales sunt spasticæ illæ, congestoriæ, inflammatoriæ, vel etiam convulsivæ, & exquisitæ febriles commotiones, ex quibus dein insignes illæ cardialgiæ, cordis tremores, affectus anginodei & reliqua superius (§. VI. cap. præced.) recensita symptomata suam solent ducere originem.

§. V. Non solum autem immutatus & perturbatus est *functionum vitalium* processus, ut ita confusè, anxie & tergiversanter continuet, sed ipsos quoque *morales motus* gravius simul alteratos offendimus, testimonio exquisiti illius delirii, quod ut plurimum indissolubili nexu cum hoc affectu

Et conjunctum deprehendimus, & propter specialem propagandi modum, quo ex canerabido in hominem sanum transfertur, peculiari utique consideratione dignum censemus, cum insuper omnes ferè actiones, quæ hancce rabiem in canibus stipantur, pari quoque modo in hominibus observentur, cujus rei origo, licet primo intuitu adhuc aliquo modo obscura videatur, facile tamen, si paulò accuratius consideretur, elucescit. Notum enim ac comprobatum est, Animam nostram, quamdiu in hoc mundo existit, plurimum circa *res materiales & corporeas* versari, ut inter has & illam semper exquisita quædam, & quidem nunc evidens & aperta, nunc vero subtilis & abdita intercedat relatio, vi cujus hocce principium activum pro diversâ materiæ conditione & qualitate, facile suos motus & operationes alterare, augere vel imminuere potest. Quod si nunc ergo ex ejusmodi rabidis animalibus subtiles quædam & cum peculiaribus qualitatibus præditæ materiæ corpori humano communicantur, statim etiam delitescens in eo principium, nempe Animam, offendunt, quæ deinde juxta diversam hujus materiæ relationem agit, & similes operationes atq; actiones suscipit, sicque delirium quoddam, cum eo, quod in cane fuit, analogum, ex suâ activitate producit, quod soli materiæ in *sensu Physico* consideratæ aliàs plane impossibile est.

§. VI. Huc accedit simul momentanea et simultanea illa Animæ *alteratio ac pathetica perturbatio* maximo præprimis cum terrore stipata, & ab inopinatâ tali rabidi cujusdam animalis invasione exorta; Hæc enim Animam non solum in genere ad futuras deliras actiones aliquomodo disponit, sed & unâ repente, intimè ac firmiter cum idea hujus animalis, quod corpus invasit, imbuat, ex quo ita illa confusa

fusa, perterrita & anxia, facile mores & actiones illius animalis imitatur, cujus præsentia semper & ubique animo perturbato obversatur, atq; hoc modo ipsa etiam ex solâ *moralis* quâdam *æstimatione* apta evadit ad formandum & concipiendum hunc non solum morbum, sed & plures alios ejusdem generis, cujus rei insigne jam jam testimonium & exemplum *PLATERUS Lib. I. Observationum pag. 83.* nobis communicavit, ubi perfectam planè Hydrophobiam ex solo timore & terrore in foeminâ productam, describit. Plura circa hanc materiam tradit Celeb. D. D. *ALBERTI* in scriptis suis egregiis, speciatim in *Schediasmate de admirandis Animæ præcipue humanæ, effectibus*, nec non in *Observatione, Scriptis Medicis & Philosophicis*, priori anno collectim editis, annexâ, *de occultis Animæ effectibus*; item in *Disput. de Valetudinariis imaginariis & Therapiâ imaginariâ*. Confer. etiam ejusd. *Introductio in universam Med. Part. I. pag. 411.*

§. VII. Quoniam verò huncce morbum tempore communiter incerto sese exserere & manifestare diximus, opus erit, ut hujus quoque rei rationem reddamus, quò nihil illorum, quæ nostrâ adhuc ratione comprehendendi possunt, intactum relinqvamus. Omnes igitur canes pari modo & gradu rabie non affligi, per experientiam novimus, siquidem alii mitius, & interdum absque ullâ hydrophobiâ, n) alii autem vehementius & gravius hoc morbo decumbunt; Proinde etiam in ipsis hominibus insignem quandam diversitatem deprehendimus, dum alii fortioris sunt constitutionis, & communicato veneno diutius resistere possunt, aut etiam tali utuntur victu, qui vim veneni infringere valet; a-

C

lii

n) Hujus rei exemplum vide apud *Salmuthum, in Observ. posthum. Cent. III. Obs. 90.*

lūi verò debiliores existunt & huic malo statim succumbunt. Ex hisce phœnomenis nunc concludimus, quòd, si canis rabie vehementius afflicto, miasma suum, quod ibidem potentius erit, corpori cuidam debiliori comunicet, brevi tempore hic affectus exoriat; si verò illud in fortius quoddam corpus immittatur, diutius etiam lateat, antequam vim & efficaciam suam exferat, quod quidem facile fieri potest, cum venenatalia, tanquam à mixtione corporis nostri totā suā substantiā aliena, rarissimè à principio nostro activo in totum vinci & superari possint, quin suam non retineant qualitatem, illamque dein commodo tempore & occasione sub certo quodam morbi schemate exferant.

§. VIII. Et hæc sunt, quæ pro demonstrandâ origine vel potius propagatione *Rabiei caninæ* in hominibus, adduci debuerunt; paucis nunc etiam de ejusdem ætiologia in canibus agendum esse putamus, quò intricati hujus affectus indoles secundum omnes circumstantias nobis innotescat. In genere igitur hic morbus ex vehementi & extremâ quadam alteratione factâ inter frigus & calorem, deducitur, ubi nimirum canes post prægressam nimiam exæstuationem potulenta admodum frigida, vel tempore frigidiori admodum calida, ingurgitarunt, de quali inconvenienti regimine, cum notissimum sit, quod præsentissima inducat pericula, non opus est, ut latius differam, siquidem sole meridiano clarius existit, quod ad producendam febrem illam acutissimam, quæ sub hoc morbo præprimis observatur, illud primariam constituat causam, & exinde ratio facile appareat, cur canes maximè, sub flagrantissimo Sirii ardentis æstu & interdum etiam vernalibus & autumnalibus temporibus rabie hæc corripiantur, de quibus plura apud *Lycum & Forestum Lib. X.*
Obs.

Obs. 27. in Scholio. prostant. Confer. etiam Codronchus in Tr. de Hydrophobia.

§. IX. De urgentiori verò hujus affectus Symptomate, universali nimirum liquidorum aversione, varia quidem apud Autores proferuntur causæ, o) quas inter vero illa præprimis mihi arridet, quam *Josephus de Aromatariis in Tr. de rabie contagiosa Part. II. Cap. 7. in fine & Part III. per totam*, adducit, quod nimirum hæc rabies non nisi peculiarem quandam Anginæ speciem, *Cynanche* dictam, constituat & inferat, in quâ lingua & collum ex inflammatione quâdam internâ ita intumescunt, ut, si quid potulenti deglutire velint patientes, exinde ferè suffocentur, omniaque assumpta per os & nares ejaculent, & ab omnibus omnino liquidis, hanc ob causam, planè abhorreant, Nec rejicienda etiam est illa causa, quam alii adducunt, quod canes rabidi, quia præter reliqua phænomena etiam *temulentiam* seu *vertiginem* quandam exhibent, & ex câ submersionis periculum facile incurrere possunt, pro hoc avertendo omnia liquida & præsertim aquam ita exterriti fugiant. *Confer. Annales Med. Physici Wratislaviens. Anno 1717. Mens. Aug. pag. 170. sqq. p)*

C 2

§. X.

o) Fusius illas recenset *Sennertus Instit. Med. Lib. II. Part. III. Sect. II. cap. 4. pag. 427. sqq. Conf. Roderic. à Fonseca Consult. Med. XXV. pag. m. 90.*

p) Placet allatis hisce causis pro ulteriori ætiologicâ illustratione Hydrophobiæ in hominibus obviæ, adhuc addere *alterationem & patheticam commotionem* ipsius Animæ rationalis l. ex terrore sub morsu, l. ex quacunque aliâ causâ inductam & in §. VI. huj. Cap. jam jam allegatam; quippe quæ Principium nostrum vitale vix non semper ad maximè *erroneas* motuum administrationes seducere valet, adeò, ut interdum res alioquin innocuas, solius *erroneæ imaginationis* ductu, tamen sub extremo horrore fastidiat, id quod vel maximè ex eo elucescit

§. X. Perlustratâ nunc in genere intricati hujus affectus *etiologiâ*, ad specialiolem causarum enumerationem ordo nos ducit, ex quibus pro causa *efficiente* agnoscimus principium corporis nostri activum, *Animam* nimirum rationalem, quæ, dum sola gaudet eâ activitate, ut secundum diversitatem materialium, diversas quoque instituere possit operationes, faciliè etiam, citra concuissum aliorum subjectorum, luctuosum talem morbum primariò producere potest. *Formalem causam* constituunt *motus vitales*, qui, quoniam ad avertendum gravius tale periculum & eliminandum subtile illud miasma venenosum suscipiuntur, utique in suâ etiam activitate austiores esse debent, cumque insuper exactissima inter illos & *morales motus* intercedat harmonia, hos insimul in consensum rapiunt, ut ita vitalis non modo œconomia per febrem acutissimam, sed & moralis per exquisitum illud delirium, maximè turbentur. *Materia* propter quam tales suscipiuntur motus, est subtile quoddam *fermentum* & *miasma venenosum*, sub formâ *salivæ* corpori

cescit, dum ipsa Clinica Praxis sæpius demonstrat, quomodo in talibus Casibus Anima hæc anxia non solum omnium liquidorum aspectum & oblationem quasi exterrita fugiat, sed et, sub intensissimo licet æstu ac ferventissimâ siti, omnes omninò internos corporis humores summâ cum pertinaciâ & validissimis motuum gradibus fundat, viresque simul effundat; adsunt enim sub initium *vomitibus*, vel ad minimum *conatus vomendi*, concurrit perpetua ferè *Salivatio*, maximam lymphaticorum & salivalium humorum partem absumens, succedit tandem & toto de corpore fluit copiosus *sudor*, qui sub forma nebulosi cujusdam vaporis è lectis prorumpens, fumantem ferè mentitur caminum dumque vix prius, nisi cum vitâ miserorum ejusmodi subjectorum deficit, omne quod de *fero* adhuc reliquum est, penitus exhaurit, prout egregie hoc annotavit *Mollerus* in *Annalib. Med. Phys. Wratislav. Anno 1721. M. Mart. p. 254.*

ri ejusque humoribus communicatum, quod, quia repentinam infert corruptionem, necessario etiam subitanam pro salvando corpore requirit expulsionem, quæ extraordinario illo motuum augmento optimè impetrari potest. *Occasionales* denique *causas* quod attinet, & quidem *proximam*, illa in nostro affectu est *morsus* rabidi canis, sub quo subtile illud inquinamentum primâ vice comunicari solet; Inter *remotas* vero causas præprimis eminent, *rabies* in cane existens, & *concurfus* ejusmodi canis rabidi cum homine, sub quo illi ansa præbetur talem hominem invadendi ac morfu vulnerandi; reliquæ verò causæ, quæ pro circumstantiarum diversitate multis modis distinctæ sunt, faciliè sub individuali consideratione elucescunt.

§. XI. Circa *Prognosin* hujus affectus sciendum est, quod totus ejus status periculo plenus existat, maximè vero, si malum jam eo processit, ut ipsa *Hydrophobia* etiam adsit, tum enim in angusto spes est, & communiter intra paucorum dierum spatium lethalis eventus sequitur, quod itidem metuendum est, si motus vitales, præcipuè in subiectis plethoricis & frequentioribus plethoræ suæ commotionibus obnoxiiis, in *extrema* delabantur, & vel in *excessu*, vel in *defectu* peccent, nec non, si in parte læsâ livores inæquales & laxi tumores conjungantur, sensus in eâ cesset aut inflictum vulnus ex improviso sese occludat. E contra vero si illud vulnus sanguinem sufficienter effundat, nec profundius sit inflictum, ut neque nervum, nec venam aut arteriam quandam læserit, & postea, dum illud curatur, vel spontè sudor multus, vel urina, præcipue nigricans evacuetur, semper de salute major spes est, modo idonea simul medicamenta in usum trahantur. Plura vid. apud Celeberr. ALBERTI in *Introduc. in univ. Med. Part. III. p. m. 1089.*

§. XII.

§. XII. Antequam verò ætiologicæ huic tractationi colophonem imponamus, necesse erit, ut brevibus adhuc quæstionis illius mentionem injiciamus, super quam in Scholis Medicorum sæpius reciprocata fuit terra contentionis: nimirum *an humores in corpore humano absq. communicato rabidi cujusdam canis contagio, ita corrumpi possint, ut ejus tamen vicem habeant, & si non exquisitam rabiem caninam, tamen hydrophobiam inducere queant?* Plurimi enim inveniuntur inter Medicos qui ingenti exemplorum farragine stipati, affirmative ad illam respondent, quibus experiētiis, si fides habenda, facile resoluta erit hæc quæstio. Sic enim præter *Lentilium in Jatro-mnemat.*, *Platerum in Observat.*, *Borellum*, *Herculem Saxonia*, *Zacutum Lusitanum*, *Soranum*, *Petrum Sallium Diversum*, aliosque, *Marcellus Donatus* q) quinque tales historias recenset, *Mercklinus* verò r) talem affectum in viro quodam quadragenario inopinatò exortum describit, quibus etiam Historiam illam annumeramus, quam Medicus quidam Italus, nomine *Johannes Baptista Scaramucci*, Anno 1702. in peculiari quadam epistola, s) cum Illustri Magliabecho & literato orbe communicavit, quâ Hydrophobia in juvene 27. annorum, qui irâ graviter percitus, ex vindictæ fortassis defectu, indicem suum digitum cruento morfu ipse vulneraverat, citra alius contagii accessum exorta, sistitur. Maximi autem momenti est illa observatio, quam supra allegatis *Annalibus Medico-Physicis Wratislaviens.* Anno 1719. *Mens. Febr. p. 214.* ex communicatione celeberr. Helvetorum

q) *Histor. Medic. mirab. Lib. VI. Cap. I.*

r) *A. N. C. Dec. II. Ao. VI. Obs. 200. p. 455.*

s) Hæc Epistola postea ex italica in latinam linguam translata & *Appendici Decuriæ III. Anni IX. & X. A. N. C.* inserta est. Vid. *Act. Erud. Lipsiens.* Anno 1702. *Mens. Febr. pag. 147. sqq.*

torum Phisici, *Scheuchzeri*, insertam legimus, ubi *idiopathica* ejusmodi *Hydrophobia* inter infantes observata, traditur, & quidem sequentibus verbis: *Sneebergâ Misnia scripsit Clar. Dn. Joh. Doppert, Lycai Rector, infantes hoc Februario, Hydrophobiâ sine ullo animalis noxii morfu, passim laborare: Medicos in hoc morbo investigando ac depellendo multum sudasse, absque peroptato successu. Videtur acidum quoddam ex fodinis Cadmiæ ibi copiosioris nimium, sub calore hujus Mensis extraordinario exhalans, ita infecisse aerem, ut tenella infantilium corporum fibræ potius, quam adultorum fuerint vellicatae, & Massa sanguinis resoluta primum, mox coagulata, imprimis in glandulis & musculis faucium fixata, talem impressisse ideam, qualis in Hydrophobia observari solet. Observamus etiam in Praxi, dari passim Melancholicos, licet ceterum ex succos & sanguine quasi adusto plenos, bibere parum, imò sæpe potum reformidare, vel saltem fastidire. Exemplum hoc quadrat Nobilis & prosapia & virtute Grebelii, atque maniaci Bibliopola, Gesneri, qui ambo absque animalis rabidi morfu, veluti Hydrophobici, sunt mortui. In hoc casu proficua esse possunt imprimis etiam externa emollientia, refrigerantia, cataplasmata, pediluvia, forsitan & vesicatoria.*

§. XIII. His tamen non obstantibus multi etiam reperiuntur inter Medicos, qui hujus rei veritatem plano pernegant ore, suamque simul opponunt practicam experientiam, quâ nunquam talem affectum sine communicato rabidi animalis contagio, sese observasse asserunt; Sed consultius agerent tales, si, ante quam ad experientiam progredierentur, prius, per *rationem* demonstrarent, quòd illæ ipsæ causæ, quæ in cane huncce affectum producunt, planè non possint illum eodem modo in homine excitare, cum insuper luce meridi-

anâ clarius sit, quòd solæ corporeæ læsiones ex se & suâ naturâ, citra principii nostri activi concursum, ad producendum talem morbum planè insufficientes sint; Secus enim si procedant, nullo unquam fundamentorum pondere probare poterunt, quòd idem morbus, qui in se jam mixtionem corporis humani subeundi capax est, non possit eâdem facilitate absque contagio exoriri, quâ cum contagio producitur. Interim tamen non nego, quòd interdum etiam à quibusdam Observatoribus, præsertim negligentioribus, talis affectus pro *idiopathico* enunciatur, qui tamen reverâ *symptomaticus* & ex quodam contagio ortus est; unde consultum duco, ut, si quid tale accidat, & aliquis inopinatò in Hydrophobiam incidat, non solum de morfu animalis rabidi, sed & de aliis modis, quibus venenum hoc communicari posse superius Cap. I. §. 2. diximus, diligenter inquiratur; & ex ipso patiente sedulò interrogetur, an nuper vel unquam tale quid expertus fuerit? sic enim elucescet *Hydrophobiam* talem *idiopathicam*, vel per similitudinem ita dictam, non solum rarioris observationis, sed & sub toto suo decursu *mitioris* genii esse, præ illâ, quæ *vera* aut *symptomatica* audit, quippe quæ semper sub acerbiori schemate se ostendere & citius ad ἀκρὴν pervenire atque decurrere solet. Plura qui de hac materia desiderat, CODRONCHVM TR. DE HYDROPHOBIA Lib. I. cap. 10. p. 86. sqq. conferat.

CAPVT III.

THERAPIAM HVJVS MALI EXHIBET.

§. I.

TRaditis nunc & commendatis omnibus historicis & pathologicis *Rabiei canina* explicationibus, in quantum illud pro virium imbecillitate licuit, ultimum adhuc superest, ut nimirum ad *Therapeuticam*, seu Practicam illius commendationem pergamus, eamque pari industria adhuc exponamus. Quamquam enim truculenti hujus affectus felix eaque perfecta curatio & profligatio vix promitti, nedum præstari possit, cum, testante experienciâ, sæpiissime gravitas morbi omnem elidat ac respuat medelam; Tamen Medicus ex suâ parte minimè deficere, sed quò majus est periculum, eo majori cum industriâ & dexteritate affictis succurrere, fortique affectui cum fortioribus remediis non modo resistere, sed insimul quoque sedulo cavere debet, ne quicquam illorum committat, quæ perniciosum effectum & eventum adjuvare aut accelerare possent.

§. II. Duplex igitur medendi methodus pro luctuoso hoc affectu requiritur, I. *Prophylactica*, ubi subiectum statim ab inflicto rabidi canis morfu, à tali rabie, & præcipuo ejus comite, Hydrophobiâ, præservari; & II. *Curatoria*, quâ, si illud jam morbo hoc laboret, ab eo iterum, quantum possibile, liberari debet. Ad primam methodum statim in principio attendendum est; licet enim nulla planè adhuc percipiantur gravia symptomata, intimior tamen insinuat

communicati miasmatis præcavenda est, quod faciliè fiet, si
 1) *via in corpus progrediendi illi intercipiatur, & M. S. ab omni
 imminente corruptelâ præservetur*; 2) *Ipsum tale miasma
 & insinuata ejusdem malignitas extinguatur aut educatur.*

§. III. Prior indicatio absolvitur diligenti & tempestivâ
abstersione ac repurgatione vulneris, quæ cum vino, urinâ,
 aut Decocto, ex Rad. Gent. r., Aristol. rot., Pimpinell.
 alb., Vincetox, Hb. Absynth., Salv., Scord., Rut., cum
 vino parato, & his quidem calidis, fieri potest, non neglecto
 Emplastro ex Cera, Ol. oliv., Sebo hirci, Thure & Myrr-
 ha composito, quibus peractis dein ipsum tale vulnus, si
 exiguum sit & partis conditio ferat, in ambitu suo paulò
profundius scarificari & cucurbitularum applicatione, *exsu-*
ctio inquinamenti nocivi tentari, aut saltem ulterior illius
 progressus retardari debet; quod etiam per medicamen-
 ta attrahentia, v.g. Allium, stercus columbinum, fer-
 mentum panis &c. circumspectè tamen adhibita, vel etiam
 applicatione animalium vivorum, ut columbarum, galli-
 narum &c. per medium dissectarum & calidè impositarum,
 aut, plumis evulsis, cum podice tantum admotarum, impe-
 trari potest. In robustioribus verò subiectis partibusque
 carnosis, majori & præsentiori cum emolumento *cauteri-*
satio actualis, & ea quidem lata satis, atque profunda, in
 usum vocatur, cum, testimonio Roderici à Fonseca, Con-
 sult. Med. XXV, *nihil sit potentius igne ad dissipandam vim ve-*
neri; ubi tamen perinde est, an illa cum *clavibus ignitis fer-*
reis Divi Bellini, prout in diversis Italiæ oris fieri solet,
 an vero alio inter Chirurgos recepto & commodo instru-
 mento peragatur, modo hoc observetur, ut factâ tali usti-
 one

one crusta quam celerrimò amoveatur, illinendo eam vitello ovi, & recenti butyro, ut moris est.

§. IV. Huic scopo etiam, & quidem magis specificè, satisfacere debent *pili* illius canis rabidi, à quo vulnus inflictum fuit, vel incinerati, vel ita in substantiâ externè impositi, nec non *Cor, Cerebrum* & præprimis *Hepar*, ejusdem non solum canis, sed & alius cujusdam, aut etiam lupi canibus anxie prius exagitati ac demum trucidati, quod sæpius ad talem morsum, præsentè quoque ipsâ rabie, efficax observatum fuit. Reliqua autem auxilia, quæ pro impetrandâ hac indicatione à nonnullis commendantur, velut *amputatio* partis demorsæ & *exsuctio* veneni per servum quendam, partim minus necessaria, partim quoque Christianæ charitati planè contraria censemus, præsertim cum miasma tale comunicatum non semper tam celeris sit activitatis, ut extrema ejusmodi remediorum genera requirat. Interim tamen hoc observatum est, quod omnia hæc recensita externa medicamenta & chirurgica auxilia, nisi statim in principio applicentur, frustranea sint, quia venenum illud cum temporis progressu magis magisque per totum corpus diffunditur, pro quo revellendo alii quidem *fonticulum* in loco affecto excitare sudent, sed parum obtinent. Impetratâ autem hac repurgatione, vulnus non statim consolidari, t) sed ad minimum 40. dies apertum servari, & si angustius fiat, iterum amplificari & carnis nonnihil orbiculatim auferri debet, quo venenum ritè evacuari queat, u) & sic denique ad

D 2

conso-

- t) Præposteram talem vulneris consolidationem non modo summè noxiam, sed sæpius quoque planè lethalem esse, testatur *Forestus Lib. X. Obs. 27. Conf. Gilbertus Anglicus Lib. VII. Cap. de morfu canis rabidi.*
 u) Venenum autem hoc omne evacuatum & corpus perfectè repurgatum

consolidationem procedi debet, quæ per Essentiam vulnerariam balsamicam Stahlianam & Emplastrum ab *Hildano Cent. I. Obs. 87.* descriptum, optimè impetratur; non omisis tamen, pro avertendo humorum affluxu, camphoratis, crocatis aliisque resolventibus & discutientibus medicamentis, sub formâ cataplasmatum adhibendis.

§. V. Ad præservandam vero & repurgandam M. S. ab insinuato tali contagio in genere omnia *Alexipharmaca* & in specie Pimp. alb. & Scordium in Essent. adhibita, conducunt, quibus alii rad. Vincetox. & Gent. r. Itali verò rad. Valerianæ, associare solent. Conferunt etiam ad præoccupandum sanguinis orgasmum & motus febriles inhibendos, *absorbentia* cum acidis imprægnata & nitrosis maritata, v.g. ocul. 96., Mat. perl., conchæ, &c. cum acetos. Citri vel Acet. dest. saturata, quibus utiliter quoque jungi possunt *Emulsiva* ex Aquis diapnoicis & analepticis parata, & cum sem. Card. ben., Card. fullon. & præcipue Card. Mariæ, quod in tali casu à variis Autoribus eximie commendatur, remixta. Proinde etiam multum refert, ut reliquam corporis constitutionem, probè observet Medicus, & si ex prægressâ diætâ inordinatâ multam in intestinis impuritatem præsumat, illam, habitâ antea vulneris ratione, remediis purgantibus, & quidem fortioribus, v) si subiecta sint robusta, evacuet, v.g. Helleb. alb. & nig., Agar., Hiera, Diacolocynth., Croc. Metall.

gatum esse iisdem probationibus in contrarium cognosci potest, quas supra Cap. I. §. 2. allegavimus.

w) Talia commendat imprimis *Paræus in Operibus Chirurg Lib. XX. cap. 15.* hisce verbis: *Quibus non dum facultas animalis rabiosi veneni malignitate obsessa tenetur, his validiores purgationes sunt exhibendæ. Levioribus enim catharticis sperare se efferam huius veneni malignitatem visceribus jam admissam expugnare, extrema est & periculosa dementia.*

tall. aliisque, Antimonialibus imprimis, ritè præparatis; si vero ætas, temperamentum, & vires patientis unacum acris constitutione, talia disvadeant, mitiora, ut Pilul. balsam. Stahlii, vel Becheri, nec non Extract. Panch Crollii & Helleb. nigr., Agar. alb., Confect. Hamech, &c. in refractâ dosi adhibeat. E contra autem si plethoricus, aut actualibus hæmorrhagiis adævetus & frequentioribus suæ plethoræ commotionibus obnoxius sit patientis, commendanda & instituenda est, post aliquot dies, V. S. in pede, quâ sanè multa gravia præoccupari possunt symptomata.

§. VI. Alteram quod attinet indicationem in *prophylactica* methodo, illi non modo antea commendatis remediis ex parte simul satis fiet, sed proximius quoque ad eam exequendam commendatur *repentina & diuturna* membri vulnerati, aut totius planè corporis, in aquam, præprimis marinam, vel aliam salinam, aut illis deficientibus, etiam dulcem, *demersio*, quæ verò, prout omnia hæc prophylactica remedia, tempestivè, & si circumstantiæ permittant, statim post morsum inflictum fieri debet, aliàs in cassum non solum, sed & cum damno adhibetur, quia omnis hujus remedii virtus partim, & quidem *primariò*, ex subitaneâ quadam alteratione animi, conceptam illam ideam facilè invertente, partim verò & *secundariò* ex læsionis materialis per aquam talem salinam efficaciori abstersione dependet. Inde Veteres, aliorum remediorum cognitione destituti, solo hoc ad præservandum tale delirium ipsamque Hydrophobiam, non sine fructu usi sunt, prout Celsus illud testatur, qui *Lib. IV. Cap. 27. §. 2.* prælaudatam hanc operationem sequentibus verbis describit: *Unicum remedium est nec opinantem in Piscinam non ante ei provisam, projicere, & si natandi scientiam non habet, mo-*

dòmersum bibere pati, modò attollere; si habet, interdum depri-
mere, ut invitus x) quoque aquâ satietur; sic enim simul & sitis
& aqua metus tollitur. Conf. Codronchus l. c. Lib. II. cap. 8. p.
200. Helmontius in Tr. Demens Idea pag. 127. & Forestus Ob-
serv. cit. Hâc ergo de causâ hoc remedium inter recentio-
res quoque suos invenit Fautores, ita tamen, ut loco aquæ
dulcis ab iisdem marina vel alia salsa, partim propter situm
regionum, partim verò aliis de causis, substituta fuerit,
quemadmodum etiam sub hisce circumstantiis illud Ao.
1719. Principi Bavariensi, Philippo, qui Romæ â rabido cane
vulneratus erat, ibidem applicatum fuisse, testantur *Annales*
Medico-Physici Wratislav. Ao. 1719. Mens. Aug. pag. 169. seq.
Non defuerunt autem illius etiam Osiores, qui cum Ferrando
Ponzetto Tr. de Venen. Tit. de Rabie & Josepho de Aromatariis
l. c. Part. V. cap. 3. p. 66. hoc quidem remedium planè planeq;
reijcere tentârunt, non vero potuerunt, siquidem, si in pri-
mo statim principio, uti antea dictum, administretur, & qui-
dem citra omnem fortiolem animi commotionem, sua illi
laus haud denegari potest.

§. VII. In curatoriâ methodo parum quidem utilitatis ex remediis spe-
randum est, præsertim ubi perfectâ jam adest Hydrophobia, quæ omnes
illorum formulas, maximè vero *liquidas* cum horrore reformidat &
aversatur. Interim tales patientes nec tunc deserendi sunt, sed partim
ante dicta medicamenta, in quantum possibile, adhibenda, partim eti-
am *specificâ* in subsidium trahenda sunt, quorum plurima quidem â
plurimis commendantur, non pauca vero fabulosa videntur; unde usi-
tiora quædam hîc tantum enumerare placet. Sic â plurimis lauda-
tur *Alyssum Veterum*, planta ex Thlaspios genere, ita dicta, quod *lyssæ*,
sive rabiei medeatur, quæ, ex commendatione *Galeni* & *Dioscoridis* ad
cochlear I. in ore ex aquæ mulsæ cyathis tribus â primo ad septimum
vel etiam vigesimum diem exhiberi, aut in Extracto vel Essentiâ, ad-
mixtis simul aliis Alexipharmacis atque lenioribus diaphoreticis pro-
pinari debet. Confer. quæ de eâ habent CODRONCHVS l. c. Lib. II.
cap. V. p. 164. & PAVLVVS RENEALMVS, *Observ. 134. 135. 136.* Aliud
autem Specificum GALENVS habet, quod ex *canceris marinis* paratur
&

& Lib XI. de simpl. med. fac. ab eo describitur, præprimis quia jamjam apud Græcos & Arabes celebratissimum, in hoc casu, medicamentum erat; sed notârunt de eo moderni Prædici, & speciatim *Michaelis* ad *Jonstonum*, quod, si illud ex nostris quoque *gammæ* aut *astacis fluvialibus* paretur, non minoris futurum sit efficaciam; Videatur desuper *SACHSIVS* à *LEWENHEIMB*, in *Gammærologia* p.m. 640. seq. Nonnulli *diuretica* mitiora usurpanda laudant, alii verò fortiora ivadent, & jubente *Avicenna*, urinas validissimè provocandas esse, vel ad sanguinis mictum, censent, cum tali ratione miasma communicatum simul excernatur; & hunc in finem modò ipsos *cantharides*, modò etiam vulgares *scarabæos majales* capitibus abscissis, in melle despumato suffocatos, iterumque tempore necessitatis num. 3. vel 4. contusos & expressos, cum aqv. *Verbenæ* & *Anagallid.* exhibent, sed incerto pariter atque periculoso cum eventu. x) Multi *Sinapismos* & *Vesicatoria* validissima brachiis, femoribus & tibiis applicanda, ivadent; alii *Elect. de Ovo* cum *Nuce vomica* remixtum, aut etiam *Amygdalas amaras* commendant; Plurimi vero *Limaturam Oricbalci* ad drachm. j. exhibitam multis vicibus salutarem effectum præstitisse affirmant. Atque huc optimo quoque jure referendum est famosum illud *Oleum animale Dippelii* ad gtt. xxv. vel xxx. cum *Conserv. Ros. rubr.* exhibitum, cujus efficaciam vix contemnendam, uti in aliis exacerbatis Naturæ motibus, ita & in tali casu, demonstrat *Observatio Doctissimi Molleri* in *Annalibus Phys. Med. Wratislav. Ao. 1721. Mens. Mart. Class. I. Artic. III. §. 5.* *Palmarius* omnia hæc negligit, & solo suo *pulvere Alexipharmaco*, quem in *lib. de morb. contagios* tradit, rabiem hanc curare intendit, sed practica jam dudum demonstravit experientia, plus verborum quam virium illi inesse; Alii ex cane ipso diversa adhuc commendant antidota, videlicet *coagulum catuli* cum aceto epotum, *Jecur canis rabidi* coctum & comestum, *sanguinem* & *urinam* imo denique *Sal canis rabiosi* per combustionem ipsius præparatum, ad drachmam unam cum aqvâ theriacali exhibendum; sed hæc omnia partim nauseosa, partim quoque inania sunt, atque propterea rarò in usum

x) *Cantharidum* tamen usum circumspectum & præservatorio & curatorio scopo interdum maximè salutarem atque proficuum esse, confirmat *Antidotum Rustici* illius Hungari, cujus reminiscitur *Reimannus* in *Annal. Med. Phys. Wratislav. Ao. 1723. Mens. Januar. Class. IV. Art. 15.* quod maximam partem ex pulverisatis cantharidibus compositum fuisse, ocularis demonstravit inspectio.

usum trahuntur; Alii denique *Amuleta* proférunt, & hoc scopo *dentem canis rabidi* humero suspensum & substratum, nec non *corium Urse & Phocæ*, præ aliis extollunt, sed irritò & vano conatu. Nimis autem longum foret omnia illa recensere specifica, unde Lectorem sedulum ad ipsos Practicos Autores relegamus, cum hæc allata pro scopo nostro sufficere queant, quemadmodum etiam hoc cujusvis Medici inventioni, prudentiæ & dexteritati relinquimus, quomodo remedia illa interna, hæcenus commendata, morosis ejusmodi ægrotantibus commodè post modum sint exhibenda. *Confer. etiam Ammanni Positiones Medicae de Rabie vel Hydrophobia, Anno 1662. Lipsiæ pro loco in Facult. Med. obtinendo, ventilatæ §. XLIV. sqq.*

§. VIII. Antequam verò destinatos huic tractationi ponamus limites, unico adhuc verbo, specialissimæ illius traditionis mentionem injicere placet, quod nimirum varia externa accidentia, luctuosum huncce morbum, in illis etiam hominibus, qui unquam ante hac illum experti & ab eo liberati fuerunt, resuscitare queant, ita, ut absque morfu animalis cujusdam rabidi, solâ noxiâ horum subjectorum qualitate, denuo sub eodem schemate sese exferat; Sic enim MATTHIOLVS in *lib. VI. Dioscor. cap. 39.* & SIMON PAVLI referunt, quod illi, qui *Corni* vel *Sanguinariæ* plantam, ante exactum annum, post curatam talem rabiem, tangant, iterum in illam incidant, & hoc insimul peculiari quodam exemplo opificis cujusdam illustrare contendunt, qui ex virgis Corni arboris diutius intra manus detentis tali rabie affectus fuerit, de quâ re conf. Illustr. STAHLIVS in *Dissert. de Metaschematismis morborum pag. 42.* Idem quoque evenire illis, qui sub umbrâ *Sorbi* dormirent, testatur GVAINERIVS, *Tr. de venenis cap. 12.* Sed omnia hæc ulteriori adhuc indigent probatione & examinatione, cum nondum satis demonstratum sit, an à solis hisce rebus citra concurrentem aliam quandam causam (quæ forsitan in illis observationibus neglecta fuit,) excitatum fuerit hoc malum, & cur propriè illa tantum subjecta & non alia quoque ejusdem generis, singularem hanc possideant facultatem.

§. IX. Et ita quidem speramus proposito nostro, quantum ad veram affectus hujus constitutionem, explicationem & curationem attinet, satisfecisse; Unde ultiores exquisitiores & specialiores illius enucleationes quibuslibet, qui possunt, commendamus; Divinum interim Numen pro præstito nobis auxilio benignissimo, toto corde celebrantes, insimulque nos nostraque omnia immensæ ejusdem benedictioni atque directioni consecrantes.

S. D. G.